



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Press Realase

Periode jullu 2009

Edisaun jullu 2009

WJU HALAO TREINAMENTU PRIMEIRA ETAPA IHA MALIANA

Iha loron 06-07/07/2009 WJU (Women's Justice Unit) unidade ida husi JSMP halao treinamentu pemeira etapa iha sub distritu Maliana, distritu Bobonaro. Treinamentu ne'e fo ba maluk feto sira iha sub distritu Maliana liu-liu atu fo konhesementu em geral kona ba *direitus humanus, generu no violensia domestika*, hato'o ba sira kona mos ba *violasaun seksual, prosesu legal ba violensia domestika, lei nasional no internasional aplikavel nebe'e mak fo garantia ba direitu feto*.

Partisipante nebe'e mak partisipa iha treinamentu nebe WJU organiza mak hanesan, membru konselu de suku nomos representante juventude feto iha suku ida-ida (kada suku ema nain rua, partisipa husi suku hitu nebe'e mak partense ba sub distritu Maliana)

Objektivu husi treinamentu nebe halao mak:

- Atu fo konhesementu ba feto sira kona ba direitus, liberdade,, generu, liu-liu direitu feto, hirak nebe mak sira iha nudar humana nomos fo kunhesementu kona ba violensia domestika nebe'e mak sira sempre hasoru iha vida moris familiar no sociedade.
- Atu fo oportunidade ida ba partisipante sira atu bele hao diskusaun no estuda kona ba kauza no impaktu ba hasoru diskriminasaun kontra feto.
- Atu hasae kapasidade no kuñesementu partisipante sira, hodi nune'e bele hatutan buat nebe'e mak sira hetan durante treinamentu ba nia feto maluk sira iha suku ou aldeia nebe mak sira hela ba.
- Atu bele ajuda muda mentalidade feto sira nian nebe'e mak sempre nonok no la fo sai (la brani atu prosesa violensia nebe'e mak sira hetan tiur prosesu legal nebe mak iha)

Iha terinamnetu ne'e mos partisipante barak orgulho ho terinamentu nebe mak JSMP liu husi Unidade Justisa ba Feto halao, tamba bele fo kuñesementu nebe klean ba sira kona ba violesia bazeia ba generu. Maibe partisipante sira mos sugere atu se bele karik, JSMP/WJU bele nafatin halao terinamnetu hanesan iha area rurais, no mos se iha kontinuasaun karik, bele partisipa mos mane sira hodi hatene no iha konhesementu nebe klean mos ba igualidade generu, violensia domestika, violensia seksual atu nune'e sira abele pratika iha moris loron-loron nian nudar familia nomos nudar membru husi sociedade ida.

Bazeia buat hirak nebe mak ita hetan nomos hare iha ita nia sociedade katak, feto sei sai nafatin vitima ba hahalok nebe mane mak sempre halo. Ita hotu espera katak ho terinamentu nebe mak JSMP liu husi Unidade Justisa ba Feto halao, sei bele ajuda maluk feto sira hodi bele

iha koñesementu nebe mak naton kona ba direitu no leis hirak nebe mak fo garantia ba direitu no liberdade sira nian. Ho buat ne'e hotu JSMP mos espera katak meius hirak nebe mak JSMP halao, bele ajuda/fo kontribuisaun ba hamenus violensia bazeia ba generu no bele ajuda neneik hodi muda mentalidade violensia iha ita nia sociedade.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun E-mail: luis@jsmp.minihub.org

Landline: 3323883